

վարչական տույժ նշանակելու մասին

«27» օգոստոսի 2020թ

ք. Վանաձոր

Հայաստանի Հանրապետության պետական եկամուտների կոմիտեի Արևյան մաքսատուն-վարչության պետ Գարիկ Դարբինյանս, քննելով «ՄԱՔՍ ԲՈՐԴԵՐ» ՍՊԸ-ի մաքսային միջնորդ Միեր Դավթյանի (ՀՀ, Լոռի, ք. Վանաձոր, Զաքարյան փ., տուն 4/4ա. Անձնագիր՝ AR0281659) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«ՄԱՔՍ ԲՈՐԴԵՐ» ՍՊԸ-ի մաքսային ձևակերպումների մասնագետ Միեր Դավթյանը դիմում է ներկայացրել Արևելյան մաքսատուն-վարչության Բազրատաշենի մ/կետ-բաժնի պետին (մուտք թիվ 51 առ 11.08.2020թ.) և հայտնել, որ 11.08.2020թ. թիվ 05100033/110820/0003646 ապրանքների հայտարարագրում թույլ է տվել վիճակագրական արժեքի սխալ հաշվարկ: Խնդրել է թույլատրել համապատասխան դաշտերում կատարել ճշգրտում:

Փաստի առթիվ Արևելյան մաքսատուն-վարչության Բազրատաշենի մաքսային կետ-բաժնի 1-ին բաժանմունքի գլխավոր մաքսային տեսուչի կողմից 11.08.2020թ-ին «ՄԱՔՍ ԲՈՐԴԵՐ» ՍՊԸ-ի մաքսային միջնորդ՝ Միեր Դավթյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

Նշանակվել է գործի քննություն 27.08.2020 թվականին ժամը 11:00-ին, վերջինս պատշաճ ծանուցվել է, սակայն չի ներկայացել վարչական վարույթի քննարկմանը:

19.08.2020թ. թիվ Ն/22-4/133047-2020 զեկուցագրով դիմվել է ՀՀ ՊԵԿ ԱՄՎ Բազրատաշենի մաքսային կետ-բաժնի պետին և հայտնվել, որ «Արայիկ Լյուդվիկի Հովհաննիսյանի» անվամբ 11.08.2020թ. թիվ 05100033/110820/0003646 ապրանքների հայտարարագրով «Բացթողում ներքին սպառման մաքսային ընթացակարգով» ձևակերպվել է բեռ: Հայտարարագրի մեջ՝ 45-րդ / մաքսային արժեք / և 46 -րդ / վիճակագրական արժեք / դաշտերը լրացվել են սխալ: Արայիկ Լյուդվիկի Հովհաննիսյանի անունից, որպես մաքսային միջնորդ հանդես է եկել «ՄԱՔՍ ԲՈՐԴԵՐ» ՍՊԸ -ի մաքսային

միջնորդ՝ Մհեր Դավթյանը: 11.08.2020թ. Մհեր Դավթյանի վերաբերյալ հարուցված վարչական վարույթի անհրաժեշտությունից ելնելով խնդրվել է հանձնարարել համապատասխան աշխատակցին հաշվարկել և տրամադրել տեղեկատվություն հայտարարագրում ոչ ճշգրիտ տեղեկություններ նշելու հետևանքով առաջացած եւ արդյոք մաքսային վճարների պակաս հաշվարկում կամ չհաշվարկում, եթե այո, ապա ինչքան տարբերություն է առաջացել:

26.08.2020թ. 1-ին բաժանմունքի գլխավոր մաքսային տեսուչի կողմից տրվել է տեղեկանք, որով հայտնել է, որ 05100033/110820/0003646 ապրանքների հայտարարագրում ոչ ճշգրիտ տեղեկություններ նշելը առաջացրել է մաքսային վճարների պակաս հաշվարկում 26214 ՀՀ դրամի չափով:

Ներկայացված նյութերի ուսումնասիրության արդյունքում պարզվել է, որ «ՄԱՔՍ ԲՈՐԴԵՐ» ՍՊԸ-ի մաքսային միջնորդ՝ Մհեր Դավթյանի կողմից թիվ 05100033/110820/0003646 ապրանքների հայտարարագրով «ներքին սպառման համար բացթողում» մաքսային ընթացակարգով հայտարարագրվել է 1 անուն ապրանք: Հայտարարագրի մեջ՝ 45-րդ / մաքսային արժեք / և 46 -րդ / վիճակագրական արժեք / դաշտերը լրացվել են սխալ:

Նշված հայտարարագրում ոչ ճշգրիտ տեղեկություններ ներկայացնելը առաջացրել է մաքսային վճարների պակաս հաշվարկում 26214 ՀՀ դրամի չափով:

ԵԱՏՄ մաքսային օրենսգրքի օրենսգրքի 84-րդ հոդվածի 3-րդ կետով սահմանվում է՝ հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

Նույն օրենսգրքի 82-րդ հոդվածի 4-րդ կետի 2-րդ պարբերության համաձայն՝ հայտարարատուի, փոխադրողի, ապրանքների նկատմամբ լիազորություններ ունեցող անձի, այլ շահագրգիռ անձի անունից մաքսային գործառնությունները կարող է

իրականացնել մաքսային ներկայացուցիչը, իսկ սույն Օրենսգրքով նախատեսված դեպքերում՝ այդ անձանց հանձնարարությամբ գործող այլ անձ:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության: Սույն դեպքով որպես հայտարարատու հանդես է եկել Արայիկ Լյուսիկի Հովհաննիսյանը, որի անունից հայտարարագիրը լրացրել է «ՄԱՔՍ ԲՈՐԴԵՐ» ՍՊԸ-ի մաքսային միջնորդ՝ Միեր Դավթյանը:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում առաջանում է մաքսային վճարների պակաս հաշվարկում կամ չհաշվարկում, հանցագործության հատկանիշների բացակայության դեպքում՝ առաջացնում է չհաշվարկված կամ պակաս հաշվարկված մաքսային վճարների գանձում օրենքով սահմանված կարգով, ինչպես նաև տուգանք՝ այդ մաքսային վճարների 50 տոկոսի չափով:

Վարչական մարմինը գնահատելով գործում եղած բոլոր ապացույցները, բազմակողմանի և օբյեկտիվ հետազոտման վրա հիմնված ներքին համոզմամբ գալիս է այն եզրակացման, որ սույն դեպքով Միեր Դավթյանի արարքում առկա է 17.12.2014թ. ՀՕ-241-Ն ՀՀ մաքսային կարգավորման մասին» օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 203 հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221-րդ, Վարչական իրավախախտումների վերաբերյալ ՀՀ օրենսգրքի 214-րդ և 234-րդ հոդվածներով՝


Ո Ր Ո Շ Ե Ց Ի

1. ՀՀ մաքսային օրենսգրքի 203-րդ հոդվածի 2-րդ մասի հատկանիշներով նախատեսված մաքսային կանոնների խախտում կատարելու համար «Սպայկա» ՍՊԸ-ի մաքսային միջնորդ՝ Միեր Դավթյանին ենթարկել վարչական պատասխանատվության՝ տուգանելով **13107 ՀՀ դրամ**:
2. Որոշման մասին հայտնել Միեր Դավթյանին, պարզաբնակելով, որ այն ՀՀ մաքսային օրենսգրքի 221-րդ հոդվածի համաձայն ուժի մեջ է մտնում կայացման պահից և Վարչարարության հիմունքների և վարչական վարույթի մասին ՀՀ օրենքի 71-րդ հոդվածի համաձայն՝ 2 ամսվա ընթացքում կարող է բողոքարկվել վերադաս մաքսային մարմին, կամ ՀՀ վարչական դատավարության օրենսգրքի 72-րդ հոդվածի 1-ին մասի 1-ին կետի համաձայն՝ 2 ամսվա ընթացքում ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսադուր-վարչություն, ԿՈՂ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ